


INATSISARTUT OQARTUSSAAQATAANERLU

Inatsisartutigoortumik innuttaasut
oqartusaaqataanerat pillugu

- inersimasunut





Oqaluttuaq filminngorlugu ugguuna aamma takusinnaavat:


www.ina.gl/inersimasut

Inatsisartut Allattoqarfiannit saqqummersinneqartoq
Januar 2015

Titartakkat: Christian Rex, Deluxus Studio

Inatsisartut Allattoqarfiat · Postboks 1060 · 3900 Nuuk
inatsisartut@inatsisartut.gl · www.inatsisartut.gl






Inatsisartut Kalaallit Nunaanni inatsisiliortuupput. Tassani oqaloqatigiittoqartarpoq isummanillu paarlaasseqatigiittoqartarluni. Taaguut Inatsisartut kalaallisut oqaasiuvoq isumaqarlunilu "inatsisiliortut".

Inuiaqatigiit inatsisitigut qanoq ingerlanissaannut aalajangiisartuupput.


Namminersornerup 1979-imi eqqunneqarneratigut Kalaallit Nunaat nammineq inatsisiliorsinnaangorpoq namminermullu tungassutilinnik aqutsisinnaangorluni.


2009-mi namminersornerup eqqunneqarneratigut taamatut periarfissaqarneq annertuseriaqqippoq.



Inatsisartut ukiunut sisamanut atuuttussamik qinerneqartarput. Qinersinnaassagaanni danskisut innuttaassuseqartariaqarpoq, 18-ileereersimasariaqarluni aammalu sivikinnerpaamik ukiumi affarmi Kalaallit Nunaanni najugaqarsimasariaqarluni.

Ilaasortat 31-t qinerneqartarput.






Inatsisartut ukiuat septembarimi tallimangornermi aallartikkaangat ilaasortat Nuummi katersuuttarput.


Ulloq ammaanersiorfik oqaluffimmit Inatsisartut ataatsimiittarfiannut ingerlaaqatigiinnermik malunnartinniarneqartarpoq. Ukiakkut ataatsimiinneq qaammatit marluk aappaa avillugu sivilissuseqartarpoq.

Tamatuma saniatigut sapaatip akunnerisa arfinillit missaannik sivilissuseqartumik upernaakkut ataatsimiittoqartarpoq.



Inersuarmi ataatsimiinnerit Inatsi-
sartut siulittaasuannit aqunneqar-
tarput.

Ilaasortat periuseq aalajangersi-
masoq malillugu inissinneqartarput:
Siuləriinni siullerni marlunni oqa-
luttarfiup saaniittuni Naalakkersui-
sut issiasarput. Partiini naalakker-
suisuutitaqartunut ilaasortat
ataatsimoorlutik issiasarput
aammalu illuatungiliuttunut ilaa-
sortat tunorlerni issiasarlutik.



Oqallinneq suleriaaseq malillugu
ingerlanneqartarpoq, ataatsimiin-
nerit qanoq ingerlanneqarnissaat
tassani aalajangersarneqarluni.

Inatsisip inaarutaasumik aalajangiivigineqanginnerani
Inatsisartuni pingasoriarluni suliarineqartariaqarpoq.

Inatsisissatut siunnersuut suliarinninnerit ataasiakkaat akor-
nanni ikinnerusunit sukumiisumik oqaluuserisassanngortillugu
ataatsimiitaliami suliarineqartussatut nassiunneqarsinnaavoq.


Inatsisartut aningaasanut inatsimmik Namminersorlutik Oqar-
tussat isertitaannut aningaasartuutaannullu maleruagassiisumik
amma akuersisarput.



Nunap inatsisissai pillugit Inatsisartut taasereernerisa kingorna Naalakkersuisut inatsimmik atuutsitsisuussapput. Naalakkersuisut Kalaallit Nunaata naalakkersuisorai.

Naalakkersuisut suliassaminnik qanoq isumaginninersut Inatsisartunit nakkutilliivigineqartarpoq.





Inatsisartut suliassaat pingaarnerit taamaalillutik pingasuupput:

- Inatsisartut nunap inatsisaanik akuersisartuupput
- Inatsisartut aningaasanut inatsimmik akuersisartuupput
- aamma Inatsisartut Naalakkersuisunik nakkutilliisuupput.

Maannakut nalorsitsaarutinguuq immersorsinnaavat

Apeqqutit uku
akiniarsarikkitt



1. Oqaaseq Inatsisartut qanoq
isumaqarpa?

- Takisuunik oqalugiartarfik
- Kakkannerpaartagut
- Inatsisiliortut

2. Qanga Namminersornerunermi Namminersornermut
ikaarsaarpugut?

- 7. august 1911
- 1. juni 1979
- 21. juni 2009

3. Inatsisartunut qinersinermi kina qinersisinnaava?

- Kalaallit Nunaanni inuit tamarmik
- Danskisut innuttaassusillit 18-inik sinnerlugilluunniit
ukiullit ukiullu affaa kingulleq Kalaallit Nunaanni
najugaqarsimasut tamarmik
- Meeqqat atuarfianni naammassinikut tamarmik

4. Inatsisartut qassinik ilaasortaqarpat?

- 31-it
- 35-it
- 25-it

5. Periaaseq suna malillugu ilaasortat ataatsimiittarfimmi issiasarpat?

- Illoqarfiit angerlarsimaffigisatik malillugit, najukkaminnit sinniisuusutut misigisimaniassammata
- Arnaanerat angutaaneralluunniit apeqqutaatillugu
- Naalakkersuisut immikkut, ilaasortat sinneri partiimut sumut ilaasortaaneq apeqqutaatillugu

6. Namminersorlutik Oqartussat isertitaat aningaasartuutaallu inatsimmik sorlermik aalajangersarneqartarpat?

- Aalisarnermut piniarnermullu inatsimmik
- Namminersorneq pillugu inatsimmik
- Aningaasanut inatsimmik

7. Inatsisit akuersissutigineqarsimasut kikkunnit timitalerneqassappat?

- Naalakkersuisunit
- Naalagaaffiup sinniisaanit
- Inatsisartut Siulittaasuannit

8. Kikkut kikkut nakkutigaat?

- Danskit naalakkersuisuisa Naalakkersuisut nakkutigaat
- Inatsisartut Naalakkersuisut nakkutigaat
- Naalakkersuisut Inatsisartut nakkutigaat

9. Nunami inatsisit kikkunnit akuersissutigineqartarpat?

- Naalakkersuisunit
- Inatsisartunit
- Politiinit

Nalorsitsaarummut akissutit eqqortut

1. Inatsiliortut · 2. 21. juni 2009 · 3. Danskisut innuttaassusillit
18-inik sinnerlugilluunniit ukiullut ukiullu affaa kingulleq
Kalaallit Nunaanni najugaqarsimasut tamarmik · 4. 31
5. Naalakkersuisut immikkut, ilaasortat sinneri partiimut
sumut ilaasortaaneq apeqqutaatillugu · 6. Aningaasanut
inatsimmik · 7. Naalakkersuinit · 8. Inatsisartut Naalakkersuisut
nakkutigaat · 9. Inatsisartunit

